

خزنده محاکمه

جمعه ایرتسی

نومرو	ذی الحجه	سنه	حزيران	سنه	صحيفه
۷۳۵	۱۹	۱۳۱۱	۱۱	۱۳۱۰	۱۱۵۱۷
(اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش) (حسابیله التمش غروشددر . طشره لر ایچون اون بش غروش پوسته اجر قی ضم اولنور . بهر) (نسیخه سی ینه مجیدیه یکر می فروش اولق اوزره یوز پاره به هر یرده صاتیلور . درج اولنه جق) (اعلا ناک هر برندن بر مجیدیه اخذ اولنور . سنه لکمه مشتری اولق استیائلر عدلیه نظارتی) (دأره سنده کائن جریده محاکم اداره سنه مراجعت ایلملیدر)					

قسمت سی

توجیهات

عکاسنجانی بدایت محکمه سی جزا دأره سی
 ریاستی حاسنجانجی بدایت محکمه سی جزا دأره سی
 رئیس سابق شا کر افندی به
 قیصریه تجارت محکمه سی ریاستی قالموس
 جزیره سی بدایت محکمه سی رئیس علی وهی
 افندی به

قالموس جزیره سی بدایت محکمه سی ریاستی
 میس جزیره سی بدایت محکمه سی رئیس سابق
 عثمان نوری افندی به

میس جزیره سی بدایت محکمه سی ریاستی
 وان ولایتی تجارت محکمه سی رئیس سابق
 مغردیج افندی به

پرزرین سنجانی بدایت محکمه سی مدعی
 عمومی معاونلکی ایلبصان سنجانی بدایت محکمه سی
 مدعی عمومی معاونی سابق اسماعیل کامل
 افندی به

ایلبان سنجانی بدایت محکمه سی مدعی
عمومی معاونتکی برزین سنجانی بدایت محکمه سی
مدعی عمومی معاونی سابق مالک بکه

عشاق تجارت محکمه سی ریاستی مکتب حقوق
شاهانه مآذولانردن پرودرموس افندی به

خداوندکار استیناف محکمه سی مدعی عمومی
قسطنونی استیناف محکمه سی مدعی عمومی
سابق رشید بکه

قسطنونی ولایتی استیناف محکمه سی مدعی
عمومی خدایندکار استیناف محکمه سی مدعی
عمومی سابق نافذ بکه تفویض بیورنش و مومی
ایهمدن بوراده بولنان مغربی و پرودرموس
افتدیلارک مغایر عدالت حرکاتده بولنیه جقلمینه
و ذات شوکتسمات حضرت خلافتیناهی به و دولت
علیهلرینه صادقانه ایشای خدمت ایلیه جکلمینه
دائر اصول مقرر و جهله بوراچه امر تحلیفلی
اجرا و محللانده بولنان دیگرلرینک دخی اجرای
تحلیفلی زمیننده محللری ولایت و متصرفاتلرینه
تبلیغات لازمه ایضا قلمشدر .

(فی ۳۰ ذی القعدة سنه ۱۳۱۱ وفی ۲۳ مایس)
(سنه ۱۳۱۰ تاریخنده بالجمله ولایات استیناف)
(محکمه سی مدعی عمومی لیرینه و مدعی عمومی)
(بولنیمان محللر مدعی عمومی معاونلرینه یازیلان)
(تحریرات عمومی صورتیدر)

بعض ولایتلرده توتون قچاقجیلغندلرولای
جزای نقدی اعطاسنه محکوم اولانلردن هنوز
تحصیل اولنه میان مبالغک کایت مقدارندن بخله
محاکمه قچاقجیلر حقنده کی اعلامانک انفاذی
تاخراته دوچار ایدلدیکندن ورژی اداره سی
مدیریت عمومی سندن اشعار و شکایت اوزرینه
ایجابنک اجراسی مالیه نظارت جلیله سندن وارد
اولان تذکرده ازبار اولنش ورژی به متعلق
دعاوینک سرعت فصلی ورژی جزای تقدیرینک
دخی تحصیلنه اعتنا قلوب بوبابده مسامحات
وقوعه کتورلما سی لازمه دن بولنش اولغله دائره
مأموریت داخلنده بولان محاکمه بووجهله
اجرای تبلیغات اولنمی .

اعلان رسمی

اوچوز اون سنه سی حز براننک اون بشنجی
چهارشنبه کونندن اعتباراً محکمه استیناف حقوق
قسمی ایام تعطیلیه دن ماعداد هر کون ساعت بشدن
اللی به قدر اصحاب مصالح افاده لرینی استماع
والتیدن اونه قدر محاکماتی رؤیت ایده جکی
وورقه دعوتیه ده تعیین اولنان ساعتده بولنیا نلر
حقنده معامله قانونیه اجرا قننه جنی اعلان
اولنور .

قسم غیر رسمی

طرسوس تجارت محکمه سندن ۱۹ حزیران
سنه ۹۸ تاریخی و بیک درتیوز سکسان اوچ
عددی ایله ویریلان اعلامک تمیزی استعدایدن
طرسوسه تابع کوله موسالی قریه سنده مقیم حاجی
حسین اوغلی حاجی ابراهیم اغایله تمیزعلیه نفس
طرسوسه ساکن تجارندن خواجه مارقوداران

تعیین اولنان کونده دائره کلدکلرندن اصول
محاکمه حقوقیه قانوننک ایکوز یکرمی طقوزنجی
ماده سی موجبجه تدقیقات تمیزی به اجرا سنه
ابتدار قلندی .

اعلام مذکورک خلاصه مالی مرقوم
مارقونک باسند و بادفتر مزبور ابراهیم اغا ذمتنده
غیر از تسلیم الاجنی بولنان بیک درتیوز اووز
طقوز غروشک تحصیلی طلب و ادعایتمسنه قارشو
مدعی علیه ابراهیم اغا دخی مأخوذاتی اولان الی
بیک اوچوز یکرمی غروشقه مقابل مدعینک
سمساری و کندی برادری حاجی بکر واسطه سیله
اون کیله خطه و اوچ کیله شمیر بدلی اوله رق
ایکی بیک بشیوز الی و بر دفعه ده بالذات مدعی به
بیک یوز درت وقتکو زاده دامادندن حواله
یدییوز و مرقوم حاجی بکر یدیل ایکی دفعه ده
یکرمی عدد مجیدیه و بشقه جه درت انکلیز لیراسی
ایله اسقونطوسی داخلنده اوله رق بشیوز التمش
اوچ قیه صافی قوزه تسلیماتی اولدیغنی مدافعه بیان
وانبا اتمسی اوزرینه مدعی دخی جریان ماده دن
حاجی بکر ایله حاجی عربک معلوماتلری اولدیغنی
درمیان اتمسیله مرقومانک جلب ایدیلرک
اولاباده جریان ایدن محاکمه و تدقیقات نتیجه سنده
اشنای محاکمه ده طرفینک ارائه ایدلکری حسابیه

و جلب اولئان كسانك افاده واقعه لر ينه نظراً مدعى عليهك قتكوز زاده دامادندن حواله ايتمش اولدينى يديوز غروشله بشقه جه اوله رق درتيوز غروشله مدعينك دفترنده بر قلم اوله رق بيك يوز دوت غروش مقيد اولوب مدعى عليهك مدفوعاتي مياننده مذكور درتيوز غروش مرقم اوليه رق بر قلمده بيك يوز دوت وديكر بر قطعه يديوز غروش حواله محرر اولسسه و حواله مذكوره نك مكرر يازلدينى اكلالاشمش و مدعينك فائض دعواسندن صرف نظر ايلمش بولمسنه مبنى مدعا به اولان بيك درتيوز اتوز طقوز غروشك مدعى عليه ابراهيم اغادن تحصيله و مدعينك فائض مطالبه سته حق اولماسنه حكمدن واشبو حكم عليهنده مستدعى تمين ابراهيم اغانك لايحه سنده محرر باشلوجه اعتراضى حضور حاكمك غيرى محله و قوعبولان اقرارك معتبر اوله ميه جنى احكام قانونيه اقتضاسندن بولمش ايكن بوجهتك نظر دفته التامسى مغاير قانون اولديغندن بحثله اعلامك نقضى و تمين عليه مارقونك لايحه سنده مندرج نتيجه جوابى دخى اعتراضات مسروده نك واهى اولدينى بيانيله ردى و موافق قانون اولان اعلامك تصديقى طابندن عبارت بولمشدر .

ايجابى لى المذاكره اعلام مذكور مألندن


اكلالاشدينى اوزره محكمه بدايتجه مدعينك ادعا ايتديكى مطلوبانك مقدار و تاريخ و جنسك آرو آرو كندوسنه و بوكا قارشو انكارده بولندقلرى مطالبات و تسليمات ادعارينك على الاصول اثبات ايتديرلمسى لازم كلور ايكن بودائره قانونيه ده اجراى معاملله اولتيره رق خارجده و قوعى ادعا اولئان اقراره شاهد استماع اولنسى و بناء على ذلك شهود مرقومه نك تزكيه لر ينك اجرا قلماسى بولسز و اصول و قانونه مغاير و مستدعى تمينك اعتراضى دخى موافق نفس الامر بولمش اولديغندن اصول محاكمه حقوقيه قانونك ايكيموز اتوز ايكنجى ماده سى موجبجه اعلام مذكورك نقضيه قانون مذكورك ايكيموز قرق درنجى ماده سى حكمنه توفيقاً كيفيتك صور مشروحه دائره سنده يكيدن بالرؤيه اعلامه ر بطى ضمننده محكمه مرقومه به اعاده سته وزيرده مفرداتى مرقم دوت يوز يكرمى اوچ بچق غروش مصارف تمينيه نك ايلروده حقسز چيچه جق طرفه رجوع ايتك اوزره اول امرده مستدعى تميندن النسنه ۱۲ مارت سنه ۳۱۰ تاريخنده متفقاً قرار و يرلدى .

بارطين بدايت محكمه سندن ۴ تشرين ثانى سنه ۳۰۷ تاريخى ايله صادر اولان اعلامك تمينى استدعا ايدن بارطينده مقيم چلنكر اوغلى اورام يوم معينده دائره به كليبو بميز عليه اورمان و معادن و زراعت نظارتى دعاوى و كيلي محمد بكك ورود ايتمش اولسيله ايضاحات شفاهيه سيله باش عمومى معاونلرندن سعادتلو يوزغا كى افندينك مطالعه سى استماع قلنه رق تدقيقات تمينيه اجراسنه ابتدار اولندى .

اعلام مذكورك خلاصه مالى مرقوم اورام ذمتنده اورمان اداره ستنك مطلوبى اولان اوچ بيك سكر يوز غروشك تحصيلى حقنده بارطين اورمان تذكره محررى طرفندن اقامه اولئان دعوايه قارشو مرقوم اورام مبلغ مز بورى انكار ايله برابر ادعا اولئان اقرارينه دائر شهود استماعى جائز اولديغنى و مقدما وظيفه و صلاحيت حقنده صادر اولان قرار ابتدائى استيناف ايدرك محكمه استينافيه جه بوجهت در دست تدقيق بولنديغنى بالبيان دعوانك تاخير رؤيتى لزومى درميان ايتمش ايسه ده مرقومك و قوعبولان اقرار ينك محتمه دلالت ايدر قرائتك وجودى حسييله اولبايده شهود استماعنه دائر و يريلان

قرارى مرقوم اورام قبول ايتيوب استيناف ايده جكى بيانله مهل طلبنده بولنش و ويريلان مهل دخى سرور ايتمش ايكن استيناف ايتديكنه دائر علم و خبر ابراز ايده مديكى كى يوم معينده دعوتيه دخى اجابت ايتديكندن و كيل مسخر تعيينيله غيباً جريان ايدن محاكمه و تدقيقات نتيجه سنده مبلغ مدعا به مرقوم اورامك ديون دفترنده مندرج بولندينى استماع اولئان شهود عادلله نك شهادتيله ثابت اولسسه مبنى مبلغ مذكورك تحصيله دائر و يريلان اعلام غياييك اعتراض على الحكم اوزرينه تصديقه حكمدن واشبو حكم عليهنده مستدعينك باشلوجه اعتراضى حضور حاكمك غيريده و قوعبولان اقراره شاهد استماعى جائز اوليوب كچه بو بايد اماره اولدينى ادعا اولنش ايسه ده بوده مدعينك قول مجرندده قالدني حالده شهود شخصيه استماعيله بوجه محرر حكم اولنسى مغاير قانون اولديغندن بحثله اعلامك نقضى استدعاسندن و بميز عليه نظارت مشاراليها و كيلي محمد بكك نتيجه جوابى اعتراضات مذكوره نك واهى و بى اساس ايدوكى بيانيله ردى و اعلام مذكورك تصديقى طلبندن و معاون مومى اليهك مطالعه سى دخى دعاوى واقعه نك انشاي رؤيتنده و يرلش اولان قرار قرينه نك

در تیزون اون درت بحق غروش مصارف محاکمه نك
ایلروده حقسز چیه حق طرفه رجوع ایتك
اوزره اول امرده مستدعی تمیز اورامدن اخذینه
۱۴ کانون اول سنه ۳۰۹ تاریخنده متفقاً قرار
ویریلرک تفهیم قلندی .



از میر تجارت محکمه سنندن ۱۵ ایلول
سنه ۳۰۸ تاریخی و یوز طقسان اوچ عددی ایله
ویریلان اعلامك تمیزی استدعا ایدن در سعادته
دستکامیلر قرینده حسام بك محله سننده ساکنه
شریفه و محرم خانلر ایله میز علیها ازمیرده فتاح
محله سننده مقیمه دباغ ابراهیم زوجه سی فاطمه خانم
یوم معینده دائره به کدکرنندن باش مدعی عمومیلک
مأموریت علیه سنك مطالعه نامه سی الندقدنصرکه
اصول محاکمه حقوقیه قانونك ایکوز یکریمی
طقوزنجی ماده سی موجبجه تدقیقات تمیزی به
اجرا سنه ابتدار قلندی .

اعلام مذکورك خلاصه مالی امره محرر

عند الاستئناف در دست رؤیت بولندی محکمه
استینافیه دن کشیده اولنمش اولان تلغرافنامه دن
مستبان اولوب شو حالده بدایت محکمه سنك محاکمه
استینافیه نتیجه سنه انتظاراً تأخیر دعوی ایتسی
لازم کلور ایکن رؤیتنه دوام اولنسی مغایر قانون
بولنمش اولدینی بیاندن عبارتدر .

ایجابی لدی المذاکره تمیزی طلب اولنسان
اعلام اعتراض علی الحکم اوزرینه صادر اولمش
ایسده اساس دعوانك نهدن عبارت اولدینی
اعلام مذکور درج ایدلمش اولان حکم غیابی
اعلامك خلاصه سنك اکلایشیله حق صورتده
واضح اولدینی کبی طرفینك غیاباً ووجاهاً
محاکمهری دخی یکدیگرینه قاریشدر یله رق
مبهم و مشوش صورتده اجرا قلنمش و بویسه
اعلامك صورت تنظیمی مبین اولان اصول
محاکمه نك مواد مخصوصه سی احکامنه مغایر
بولنمش اولدیندن اصول محاکمه حقوقیه قانونك
ایکوز قرق برنجی ماده سی موجبجه اعلام
مذکورك نقضیله قانون من بورك ایکوز قرق
دردنجی ماده سی حکمنه توفیقاً کیفیتك قانون
دائره سنده یکیدن بالرؤیه اعلامه ربطی ضمننده
محکمه مذکوریه اعاده سنه وزیرده مفرداتی مرقم

خارجنده فصل وحسم ایدلمسی مغایر قانون
اولدیندن بخیله اعلامك تقضی استدعا سنندن
و میز علیها نك لایحه جوابیه سی مالی حکم واقع
موافق اصول و قانون اولوب اعتراضات
مسروده نك غیر وارد اولدینی بیانیله ردی
واعلام مذکورك تصدیق طلبندن و سالف الذکر
مطالعه نامه مندرجاتی دخی منازع فیه اولان سند
امرله محرر ایسده طرفین و با خصوص مدعی
علیهما صفت تجاریه بی حائز اولدینقه و عقار
حقند کی چزك تصدیق محکمه تجارتك وظیفه سی
خارجنده بولندیقه منی قرار واقعك وظیفه
خارجنده ویرلمش اولدینی بیاندن عبارت
بولنمشدر .

ایجابی مذاکره اولندقدن اعلام مذکور
مأئندن اکلایشیله اوزره مستند ادعا اولان
سند کرچه امره محرر ایسده فائض مقاوله سی
شامل اولسیله سندات عادیه دن معدود اولدینی
کبی طرفین و خصوصیه مدعی علیهما صفت
تجاریه بی حائز اولماسننه کوره دعوائی واقع نك
مرجع رؤیتی حقوق عادیه محکمه سی اولدینی حالده
از میر تجارت محکمه سننجه بورالری نظر دفته
التهرق دعوائی مذکور نك وظیفه خارجنده

برقطعه سند موجبجه من بورتان شریفه و محرم
خانلر ذمتلرنده یکدیگرینه کفیل بالمال صفتیه
الاجنی اولان التمش عدد عثمانی ایراسنك تأمین
استیفاسی ضمننده من بوره شریفه خانك عهد
تصرفنده بولنوب تحت بجزه الیرمش اولدینی
از میرده نمازگاه جاده سننده کائن معلوم الحدود
بر باب خانه سیله علی پاشا جاده سننده واقع بر باب
دکان و کتان چارشوسنده بولنان بر باب مغازه نك
فروختیه اتمان حاصله سنندن مبلغ من بورك مع
فائض اجرای موقوفه تحصیلی حقنده من بوره فاطمه
خانك اقامه ایلدیکی دعوانك اجرای محاکمه سی
ضمننده تعیین اولنسان کونده من بورتانك اجابت
ایتمالری اوزرینه غیابلرنده وکیل مسخر تعیینیه
اجرا قلنان محاکمه و تدقیقات نتیجه سننده مبالغ
مدعا به مدعیه من بوره فاطمه خانك من بورتان
شریفه و محرم خانلر ذمتلرنده الاجنی اولدینی
مبرز سنندله ثابت اولسی جهتیله مبلغ مذکورك
مع گذشته من بورتان شریفه و محرم خانلردن
تحصیلیله بجز واقعك تصدیقته غیاباً حکمدن
و مستدعی تمیزلرک اشباع اعلام علیهنده لایحه لرنده
محرر باشلوجه اعتراضاتی دعوائی واقع حقوق
عادیه دن منبعث اوله رق رؤیتی حقوق محکمه سننه
حائذ بولندیقی حالده محکمه مذکوریه جبه وظیفه

فصل و حسميله بر منوال محرر اعلامه ربط اولنسی
مغایر قانون اولدیفنه و مستدعیه تمیزلرک اعتراضیه
ذکر اولنان مطالعه نامه مندرجاتی بوجهته متدائر
اوله رق موافق نفس الامر بولندیغه بناء اصول
محاکمه حقوقیه قانون موقتک ایکوز اوتوز
ایکنجی ماده سی موجبجه اعلام مذکورک تقضیه
قانون مزبورک ایکوز قرق اوچنجی ماده سی حکمنه
توفیقاً کیفینک صورت مشروحه دائره سنده بالرؤیه
اعلامه ربطی ضمننده عائد اولدینی حقوق محکمه سنه
حواله سنه وزیرده مفرداتی مرقم درتیوز یکرمی
طقوز بچق غروش مصارف محاکمه نک ایلروده
حقسنز چقه جق طرفه رجوع ایتک اوزره اول
امرده مستدعیه لردن الخمسنه ۱۳ کانون ثانی
سنه ۳۰۹ تاریخنده متفقاً قرار ویرلدی .

اعلام مذکورک خلاصه مائی مرقوم سلیمان
اغانک قریه مذکورده کائن کتوک ترلا دینمکله
معروف عهده تصرفنده بولنان معلوم الحدود
برقطعه ده اون دونم مقداری ترلاسنه مرقوم
علی اغا طرفندن وقوعبولان مداخله نک منی
حقنده اقامه ایلدیکی دعوییه قارشو مزبور علی اغا
دخی ترلای مذکور جسدی یازیبی اوغلی ملا
عثمانک عهده تصرفنده اولدینی حالده مشترکاً
کندوسيله برادر و همشیره لرینه انتقال ایتدیکنی
مدافعه درمیان ایتش ایه ده مذکور ترلا مرقوم
سلیمان اغانک تحت تصرفنده اولدینی تحقیق ایتسنه بناء
مرقوم علی اغانک منع مداخله سنه حکمدن
و مستدعی تمیز علی اغانک اشبو قرار علیه نه
باشلوجه اعتراضی دعوی واقعه اراضیه متعلق
اولدینی حالده اثنای محاکمه ده اراضی مأموری
حاضر بولندیرلامسی و کندوسی مدت مدیده

طواس بدایت محکمه سنندن ۱۶ مارت
سنه ۳۰۸ تاریخی و یتش بر عددی ایله ویریلان
اعلامک تمیزینی استدعا ایدن طواس قضاسنه تابع
قرجله بلوک قریه سنده ساکن یازیبی اوغلی علی اغا

عسکرده بولنه رق معذرت مشروعه یه منی
منازع فیه اراضی بی تصرف ایده مدیکی ثابت
اولدینی حالده محکمه مذکورده جه معذرت
واقعه سنک دخی نظر دفته التماسی مخالف قانون
اولدیفندن بخله اعلامک تقضی استدعا سنندن
عبارت بولنشدر .

ایجابی مذاکره اولندقدن اعلام مذکور
مألندن اکلاشدینی اوزره ذات دعوی اراضیه
متعلق اولدینی حالده اثنای محاکمه ده اراضی
مأمورینک حاضر بولندیرلامسی و اراضی
مذکورده یکمک طرفندن وضع ید اولدینی
بالینه اثبات ایتدیرلامسی اصول و قانونه مغایر
و مستدعینک اعتراضاتی دخی بوجهتله متدائر
اولسيله شایان قبول بولندیغه بناء اصول محاکمه
حقوقیه قانونک ایکوز اوتوز ایکنجی ماده سی
موجبجه اعلام مذکورک تقضیه مستدعی تمیز
علی اغانک عسکرلکله مدت سفر بعید اولان
محالرده بولنه رق اراضی مذکورده بی لمعذره
تصرف ایده مدیکی یولنده عندالتمیز درمیان
ایلدیکی ادعانک دخی نظر دفته النهرق کیفینک
یکیدن بالرؤیه تبیین ایده جک حاله کوره تحت
حکمه التمس اوزره قانون مزبورک ایکوز قرق

ارزنجان بدایت محکمه سنندن ۲۸ اغستوس
سنه ۳۰۹ تاریخی و طقسان بر عددی ایله استینافاً
ویریلان اعلامک تمیزینی استدعا ایدن کجاق قضاسنه
مضاف اورقات قریه سی عموم اهالیسی و کیلی
شمس الدین افندی ایله یجز علیهم قضاء مذکورده
تابع دهوک قریه سی عموم اهالیسی و کیلری
وهی و تحسین افندیارک یوم معینده دائره یه ورود
ایتش اولملر یله ایضاحات شفاهیله یله باش مدعی
عمومی معاونلرندن سعادتلو یورغاکی افندینک
مطالعهمی استماع اولندقدن صکره تدقیقات تمیزیه
اجراسنه ابتدار قلندی .

اعلام مذکور خلاصه مالی قریتین
مذکوریتین اهالیسی بیننده منازع فیہ مرعی
حقنہ مذکور اورفات قریہ سی اهالیسی جانبندن
اقامہ ایدیلان توار شاهدلرینہ دہوک قریہ سی
اهالیسی وکیلی طرفندن وقوعبولان طعنک ردیلہ
مذکور مرعایہ دہوک قریہ سی اهالیسنک بالینہ
ثبوت یدینہ دائرہ بدایہ صادر اولان اعلام
اوزرینہ عندالاستیناف سبق ایدن تدقیقات
استینافیہ نتیجہ سندنہ توارک خلافتہ یدینہ اقامہ
ایدیلہ میہ جکندن شہود مرقومہ نک شہادتلی
موجبہ حکم ویریلہ رک دہوک قریہ سی اهالیسنک
رد استدعالرینی ناطق تنظیم واعطا قلنان اعلام
علینہ ذکر اولنان دہوک قریہ سی اهالیسی
وکیلی جانبندن ویریلان اعادہ محاکمہ استدعاسندنہ
شاهدلرک اکثرہ شہادتندن طولانی ادعا اولنان
مقداردن فضلہ یہ حکم ویرلدیکنہ دائرہ درمیان
اولنان ادعا اعادہ محاکمہ می موجب اسباب
قانونیہ دن اولدینی بالیان بوجہ حقنہ تدقیقات
اجرا اولنق اوزرہ عرضحال من بورک قبولیلہ
اجرا قلنان محاکمہ نتیجہ سندنہ محل منازع فیہک
حدود معلومہ سندن مذکور اورفات قریہ سی
اهالیسنک اثنای کشفده کوستردکری کاور یوردی
نام محل مذکور دہوک قریہ سی اهالیسنک اراضی
مزروعہ لری داخلندہ اولوب بونک یکرمی
حارلقدن زیادہ سی اورفات قریہ سی طرفنہ یکدیکی
سبق ایدن اقرار واولبایدہ ارباب وقوف وکشف
نابری معرفتلیہ محندنہ اجرا قلنان کشفیات
وتحقیقات ایله ثابت وایکی قریہ اراضیسنک مخلوط
بولنمی فرمان عالی احکامی اقتضاسندن اولدینی
کبی حدود دخی ایکی قریہ ویا اراضی بینندہ
فاصل اولنق مقتضی اولدینی حالہ مذکور اورفات
قریہ سی اهالیسنک بیان ایتدکری کاور یوردی
بویله اولیوب دہوک قریہ سی اهالیسنک
کوستردکری طاشلی صرت قریتین سنورینی
فاصل وکاور یوردی دینلان محلدن عبارت
اولدینہ قناعت حاصل اولمش واهالی مرقومہ نک
اقامہ ایلدکری شاهدلر بونقطہ ده اکثرہ شہادت
ایتمش اولدقلى بیانیله اعلام معاد بہک فسخیلہ
برمنوال محرر اراضی مذکورہ یہ طرفینک
تصرف واحدها آخرک حدودینی تجاوز ایتاملرینی
حکمدن ومستدعی تمیز اهالی مرقومہ وکیلنک
اشبو اعلام علینہ باشلوجہ اعتراضاتی موکلری
اهالی مرقومہ نک اثنای محاکمہ ابراز ایلدکری
چند قطعہ بحت شرعیہ واوراق سائرہ نک عیناً
ویا خلاصہ اعلام میز بہہ درجی ومدعی عمومینک
محاکمہ جاریہ نک کافہ سندنہ حاضر بولندیر بلہرق

مطالعہ سنک استماعی لازمہ دن ایکن محکمہ
مذکورہ جہ بورالرینہ دقت ورعایت اولنامسی
مغایر قانون اولدیندن بحثلہ اعلامک نقضی
استدعاسندن ومدعی علیہم وکیلرینک نتیجہ
جوابلری حکم واقع موافق اصول وقانون اولوب
اعتراضات مسروودہ نک واهی اولدینی بیانیله
ردی واعلام مذکورک تصدیق طلبندن ومعاون
مومی الیہک مطالعہ سی دخی دعوای واقعہ ایکی قریہ
بینندہ متحدث اولدینی حالہ قریتین اهالیسنک
قوم محصور اولوب اولمدقلىنک تحقیق ایله قانون
دائرہ سندنہ تشکیل طرفین ایدلماش ومدعی عمومی
کافہ محاکمہ حاضر بولندیر بلہرق مطالعہ سی
الماش و ابراز اولنان فرمان وسندات واوراق
سائرہ اعلامہ درج ونحریر اولنماش وکشف
خصوصی دخی اصول محاکمہ نک التمش اوچنچی
مادہ سی احکامہ توفیق ایدلماش اولسنہ مبنی
اعتراضات واقعہ نک موافق قانون اولدینی بیانندن
عبارت بولنشدیر .
ایجابی مذاکرہ اولندقدہ اعلام مذکور
مندرجاتندن مستفاد اولدینی اوزرہ دعوای واقعہ
حقنہ ارزنجان بدایت محکمہ سندن استینافاً
ویریلان اعلام علینہ اعطا قلنان اعادہ محاکمہ
استدعاسنک قبولی استدعای نامہ من بورده بسط
واتیان قلنمش اولدینی وجهلہ ادعا اولنان مقداردن
فضلہ یہ حکم ویرلش اولدینک ثبوت وتحققنہ
متوقف اولسنہ کورہ اول بول بوجہ نک بالتدقیق
ثبوتی حالندہ استدعای نامہ مذکورک قبولیلہ اعادہ
تدقیقات لازمہ اجرا قلنمق مقتضی اولدینی حالہ
بمدہ تدقیق اولنق اوزرہ ذکر اولنان اعادہ
محاکمہ استدعاسنک قبول ایدلسی یولسز اولدینی
کبی دعوای مذکورہ نک اورفات ودہوک قریہ لری
اهالیسی بینندہ تیکون ایتمش اولسنہ کورہ اول
امرہ اهالی مرقومہ نک قوم محصور اولوب
اولمدقلىنک تدقیقلہ قانون دائرہ سندنہ تشکیل
طرفین ایدلک و محاکمات جاریہ نک کافہ سندنہ
مدعی عمومی حاضر بولندیر بلہرق مطالعہ سنک
استماع قلنمق وغندالحاکمہ ابراز ایدیلان فرمان
وسندات واوراق سائرہ ایله اعلام معاد بہک
مال صحیحی استنباط اوله حق صورتنہ عیناً ویا
خلاصہ اعلام میز بہہ درج وتیق و اجرا قلنان
کشفک اصول محاکمہ حقوقیہ قانون موقتک
التمش اوچنچی مادہ سندنہ توفیق اولنق لازم کلور
ایکن بونقطہ مهمہ قانونیہ دخی دقت ورعایت
اولنامسی اصول وقانونہ مغایر ومستدعی تمیز
اهالی مرقومہ وکیلنک اعتراضی ایله معاون

قصبه سی اهل بسندن اولوب موقتاً در سعادته
کدک پاشاده التمش التي نومرولی خانه ده ساکنه
سیواستی قادینک ورود ایتمش اولسلیله ایضاحات
شفاهیه سیله باش مدعی عمومی معاون لرندن سعادتلو
یورغا کی اقدینک مطالعه سی استماع قلندقدن صکره
تدقیقات تمیزیه اجراسنه ابتدار اولندی .

اعلام مذکورک خلاصه مآلی برادری
یوردانک عهده تصرفده ایکن وقوع وفاتیله
ارثاً کندوسنه انتقال ایدن نیکه ده در بند نام
محله واقع معلوم الحدود برقطعه باغک سدس
حصه سه مرقوم قسطاکی جانبندن وقوع بولان
مداخله نک منعیه مذکور باغک حاصلات و ابنیه
وزمینندن کذلک حصه ارثیه سه اسباب ایدن
ایکی بیک بشیوز غروشک تحصیلی حقده مزبوره
سیواستی قادینک اقامه ایلدیکی دعوانک اجرای
محاکمه سی ضمننده وقوع بولان دعوته مدعی علیه
قسطاکی اجابت ایتماسنه مبنی غیابنده وکیل
مسخر تعیینیه جریان ایدن محاکمه و تدقیقات
نتیجه سننده مدعی مزبوره اصولاً اثبات مدعا
مابعدی وار

هو می الیهک مطالعه سی دخی بو جهتلره متدائر
اوله رق موافق نفس الامر کورنمش اولدیفنه بناء
قانون مزبورک ایکوز اوتوز ایکنجی وایکیوز
قرق برنجی ماده لری موجبنه اعلام مذکورک
نقضیه قانون مزبورک ایکوز قرق در دنجی ماده سی
حکمنه توفیقاً کیفیتک صور مشروحه دائره سنده
یکیدن بالریه اعلامه ربطی ضمننده محکمه
مذکوریه اعاده سنه وزیرده مفرداتی مرقم بش
یوز اون سکر بچق غروش مصارف محاکمه نک
ایلروده حقه مزجیه جق طرفه رجوع ایتک اوزره
اول امرده مستدعی تمیز اهای مرقومه دن
النسنه ۳۰ نیشان سنه ۳۱۰ تاریخده متفقاً قرار
ویریلرک تفهیم قلندی .

نیکه بدایت محکمه سنندن ۱۸ شباط
سنه ۳۰۷ تاریخی و یوز قرق عددی ایل ویریلان
اعلامک تمیزینی نیکه قصبه سنک قبا باش محله سننده
مقیم قسطاکی باعرض حال استمداء ایتدیکی حالده
یوم معینده دائره به کیسوب مدعی علیها نیکه

اعلان

بکقوزده ساکن اتمکچی کیغورق اغانک
بکقوز بدایت حقوق محکمه سنندن استحصال
ایتمش اولدینی یکر می سکر نومرولی اعلام موجبنه
آق بابا قریه سننده مقیم راسم اغا ذمتنده الاجنی
اولان مبلغ محکوم بهک تسویه سی ضمننده مدیون
مرقومک قریه مذکورده ده متصرف اولدینی
محجوز معلوم المقدار والحدود یدی نومرولی
چاللیق ومکرر باغچه وترلاده کی حصه شایعه سی
تاریخ اعلانندن اعتباراً اوتوز برکون ظرفنده
مزایده به وضع اوله جنی بکقوز اجراد اثره سنندن
اعلان اولنور .

فی ۷ حزیران سنه ۳۱۰

صابونچی پولنجرونی تهدید ایتمش اولدینی
ادما اولنسنندن طولای اتهام ایدلمش اولان
رومانیا دولتی تبعه سنندن اورته بویلی دوز النلی
سیاه صاج وقاشلی وسیاه بیقوصقاللی الاکوزلی
سیوری برونی اسمر چهره لی تئوخاری حال
فرارده اولوب الآن اثبات وجود ایتماش
اولدیفندن اصول محاکمات جزائییه قانوننک اوج
یوز یتمش برنجی ماده سنه توفیقاً و تاریخ اعلانندن
اعتباراً جانب ریاستدن مرقومه مجدداً اون کون
مهل ویرلمش اولمقله مدت مذکورده ظرفنده
محکمه جنایتیه کلدیکی تقدیرده قانونه اطاعت
ایتماش نظریله باقیله رق محاکمه غیابییه سی بالاجرا
حقوق مدنییه دن اسقاط واموالی جز ایدیله جکی
و بوندن طولای برکونه دعوی اقامه سننه حق
اوله میه جنی و بولندینی محلی بیلانلر خبر ویرمه
وبالجمله ضابطه عدلیه مامورلرینک مرقومی اخذ
و گرفت ایتکه مجبور بولندقلری بیانیه اعلان
کیفیت اولنور .

فی ۹ حزیران سنه ۳۱۰

بکقوزده ساکن اتمکچی کیغورق اغانک
بکقوز بدایت حقوق محکمه سنندن استحصال ایتمش
اولدینی اوتوز اوج نومرولی اعلام موجبنه
دره سکی قریه سننده مقیمه رائفه خانم ذمتنده
الاجنی اولان مبلغ محکوم بهک تسویه سی ضمننده

من بوردنك محل مذكوره واقع متصرف اولوب
مقدما تحت جزء النان معلوم المقدار والحدود
بلا نومرولى خالى عرصه سى تاريخ اعلاندن اعتباراً
اوتوز بركون صكره مزايده به وضع اولنه جنى
بكقوز اجرا دائره سندن اعلان اولنور .

فى ۷ حزيران سنه ۲۱۰

عائشه خانمك بونان دولتى تبعه سندن يوركى
قرايتونه غير از تسويه كسور قلان ديون
محكوم سنىك تسويه سيچون خانم مومى اليهانك
سلطان بايزيد جوارنده جامجى على محله سنده
بشير اقا زقاغنده مكرر برنومر واياله مرقم متصرف
اولدينى على التخمين بشيوز زراع عتيق برقطعه
خانه عرصه سى بوندى اقدم موقع مزايده به
قونيله رق عثمانلى ليراسى بوز غروش حسابيله
اوتوز بر بىك سكر يوز غروشده طالى عهده سنده
قالمش وتاريخ اعلاندن اعتباراً اوتوز بركون
يعنى كله جك تموزك اوننجى بازار كوفى ساعت
اونه قدر يوزده بش ضم قبول اولنمى و ذكر

اونسان يوم وساعتده صوك مزايده سى بالا اجرا
قرار قطعه سى ويريله رك طالى عهده سنىك كورلى
مقرر اولديغندن واندن صكره هر نه ضم وقوعبولور
ايسه قبول اولنمى جغندن مذكور عرصه به يوزده
بش ضميله طالب اولنرك ودها زياده معلومات
المق استيانلرك بدل مزايده نك عشرينه مساوى
پى اقبه سيله برابر مدت مرقومه ظرفنده محكمه
تجارت اجرا دائره سنىك مراجعت ايلملرى ويوم
ووقت مذكوره مذكور عرصه نك بولدينى
محله حاضر اولملرى دائره مذكوره دن اعلان
اولنور .

فى ۱۰ حزيران سنه ۳۱۰

محمد افنديك طويغار جزء محله سنده مقم
حاجى محمد اقا ذمتنده با اعلام الاجننى اولان
مبالغك تأمين استيفاسى ضمتنده تحت جزء النان
اسكدارده سليمان اقا محله سنده چيقماز قرغه
ظريف سوقاغنده اون درت نومرولى ويديوز
اون آرشوندن عبارت اولان عرصه نك متصرف

اولدينى نصف حصه سى تاريخ اعلاندن اعتباراً
اون بش كون صكره فروخته مبادرت اولنه جنى
اسكدار اجرا دائره سندن اعلان اولنور .

فى ۱۱ حزيران سنه ۳۱۰

در سعادت فرانسى قونسلاتوسندن تنظيم
واعطا قلان اوچ قطعه اعلامات موجبنجه ايتاليا
دولتى تبعه سندن متوفى فرانسوا ژورنى ورثه سنىك
دولت مشاراليها تبعه سندن متوفى ژان واستفانى
لوراندو ورثه سندن ليبر وارنست واشيل لوراندو
ذمتلرنده محكوم به الاجننى اولان معلوم المقدار
مبالغك تأمين استيفاسى ضمتنده مديونون
مرقوموندى ليبر لوراندونك پدرى متوفى ژان
لوراندودن انتقالاً متصرف اولدينى چكجه صغير
قضاسنده انبارلى قريه سنده امرينوز چفتلىكى
ديمكله معروف چفتلىكك نصف حصه شايه سيله
بك اوغلنده ديبك سوقاغنده واقع يدى نومرولى
خانه نك نصف حصه شايه سى ومحل مذكوره

غلاوانى سوقاغنده يدى نومرولى خانه نك نصف
حصه شايه سندن نصفى و سنبل سوقاغنده ايكي
نومرولى بر باب خانه ايله تحتنده وصارى لطفى
محله سنىك نادر سوقاغى جهتنده واقع التى و سكر
نومرولى ايكي باب دكانلرك نصف حصه شايه لرى
وقاضى قريه سنده جعفر اقا محله سنده لوراندو
سوقاغنده اوچ نومرولى باغ مع كوشكده كدلك
پدرى متوفى مومى اليه ژان لوراندودن انتقالاً
متصرف اولدينى نصف حصه شايه سى وينه
مرقوم ليبرك پدرندن انتقالاً بك اوغلنده كاتب
مصطفى چلبى محله سنده اناطولى سوقاغنده التى
نومرولى صرف ملك بر باب خانه يكرمى درت
سهم اعتباريله متصرف اولدينى اون درت سهم
حصه شايه سى وقاضى قريه سنده طوغله جى باشى
محله سنده كوز تپه سوقاغنده اون بر نومرولى
برقطعه وينه پدرى مومى اليه ژان لوراندودن
منتقل نصف حصه بر حصه شايه سيله ارنست
واشيلك دخى پدرلى استفانى لوراندودن انتقالاً
ديكر نصف حصه دن متصرف اولدقلى ايكي
سدس حصه شايه لرى بك اوغلى بدايت محكمه سى
رياست اوليسى جابندن اعطا بيوريلان قراه
توفيقاً تحت جزء النان اولمله تاريخ اعلاندن
اعتباراً اون بش كون صكره بالزايده فروخته

تشبث اولنه جنی بك اوغلی بدایت محكمه سی اجرا
مأموریتی جانبندن اعلان اولنور .

فی ۱۱ حزیران سنه ۳۱۰



حوریه خانمك $\frac{۳۱۱}{۱۵۹}$ نومروسيله مقید اعلام
موجبجه حسن اغا ذمتنده محكوم به الاجنی
اولان معلوم المقدار مبالغك تأمین استیفاسی ضمنتده
مدیون مرقومك روم ایلی حصارنده علی طور لاق
محلّه سننده اوتوزدرت نومرولی متصرف اولدینی
بر باب خانهكك ججزی بك اوغلی بدایت محكمه سی
ریاست اولیسی جانبندن تحت قراره النمش اولدیغندن
تاریخ اعلانندن اعتباراً اون بش کون صکره
بالمزاید فروخت اولنه جنی بك اوغلی اجرا
مأموریتی جانبندن اعلان اولنور .

فی ۱۱ حزیران سنه ۳۱۰



اناطولی قواغنده ساکن شوکت رئیسك
بکقوز بدایت حقوق محكمه سنندن استیصال
ایتمش اولدینی اوتوز طقوز نومرولی برقطه
اعلام موجبجه ایرده قریه سی اهالیسنندن عاشر
اغا ذمتنده الاجنی اولان مبلغ محكوم بهك
تسویه سی ضمنتده مدیون مرقومك محل مذکورده
واقع والده سی شریفه خاتوندن منتقل اولوب
مقدما تحت ججزه النان معلوم الحدود بلا نومرولی
اون قطعه ترلاسی تاریخ اعلانندن اعتباراً اوتوز
برکون صکره مزایدیه وضع اولنه جنی بکقوز
اجرا دائره سنندن اعلان اولنور .

فی ۱۱ حزیران سنه ۳۱۰

